

適園叢書

張宗祥



通國書

楊文



釋

幾

子

論

累

蔣子萬機論

隋志雜家蔣子萬機論八卷蔣濟撰舊唐志同新唐志作十卷直齋書錄解題作二卷稱館閣書目十卷五十五篇今惟十五篇恐非完書也至明而二卷本亦亡焦竑國史經籍志以八卷入儒家以二卷入雜家虛列書名又誤分爲兩種不足據今從羣書治要寫出三篇益以各書所徵引定著一卷濟字子通楚國平阿人正始中爲太尉三國志有傳烏程嚴可均敘

政略

夫君正之治必須賢佐然後爲泰故君稱元首臣爲股肱譬之一體相須而行也是以陶唐欽明義氏平秩有虞明目元

愷敷教皆此君唱臣和同亮天功故能天成地平咸熙於和
穆盛德之治也夫隨俗樹化因世建業慎在務三而已一曰
擇人二曰因民三曰從時時移而不移違天之祥也民望而
不因違人之咎也好善而不能擇人敗官之患也三者失則
天人之事悖矣夫人乖則時逆時逆則天違天違而望國安
未有也

刑論

患之巨者狡猾之獄焉狡黠之民不事家事煩貸鄉黨以見
厭賤因反忿恨看國家忌諱造誹謗崇飾戲言以成醜語被
以叛逆告白長吏長吏或內利疾惡盡節之名外以爲功遂
使無罪并門滅族父子孩耄肝腦塗地豈不劇哉求媚之臣

側人取舍雖烝子啖君孤已悅主而不憚也況因捕叛之時
無悅親之民必獲盡節之稱乎夫妄造誹謗虛書叛逆狡黠
之民也而詐忠者知而族之此國之大殘不可不察也

用奇

或曰官人用士累功積效以次相敘明主之法忠臣之節盡
矣若拔奇求異超等踰第非臣之事也應之曰顧當憂世無
奇人儻有又不能識耳明法忠節未必已盡也自昔五帝之
冠固有黜陟之謨矣復勤揚側陋殷有攷誠之誥矣復力索
巖穴西伯有呈效之誓矣復旁求魚釣小白有督課之法矣
復遽求囚俘漢祖有賞爵之約矣復急追亡信若脩敘爲明
法拔奇爲非事是兩帝三君非聖哲而鮑蕭非忠吏也然則

攷功案第守成之法也拔奇取異定社稷之事也當多事之
世而論無事之法處用奇之時而必效一官之智此所以上
古多無嚴之國也是以高世之主成功之臣張法以御常人
厚禮以延奇逸求之若不及索之若骨肉故能消災除難君
臣同烈也曩使五主二臣牽於有司束於脩常不念疇諮則
唐民康哉之歌不作殷無高宗之號周無殪商雅頌之美齊
無九合功漢殲於京索而不帝矣故明君良臣垂意於奇異
誠欲濟其事也使奇異填於溝壑有國者將不興其治矣
漢元帝爲太子時諫持法泰深求用儒生宣帝作色怒之云
俗儒不達不足任亂吾家者太子也據如斯言漢之中滅職
由宣帝非太子也乃知班固步驟盛衰發明是非之理弗逮

古史遠矣昔秦穆公近納英儒招致智辯知富國強兵至于

始皇乘歷世餘

當有業字或威字

滅吞六國建帝號而坑儒任刑疏

扶蘇之諫外蒙恬之直受胡亥之曲信趙高之腴身沒三歲

秦無噍類矣前史書二世之禍始皇所起也夫漢祖初以三

章結黔首之心竝任儒辯以并諸侯然後罔漏吞舟之魚烝

民樸謹天下大治宣帝受六世之洪業繼武昭之成法四夷

怖征伐之威生民厭兵革之苦海內歸勢適當安樂時也而

以峻法繩下賤儒貴刑名是時名則

舊校云名則二字似

石顯弘恭

之徒便僻危嶮杜塞公論專制於事使其君負無窮之謗也

如此誰果亂宣帝家哉向使宣帝豫料柱石之士骨鯁之臣

屬之社稷不令宦豎秉持天機豈近於元世棟橈榱崩三十

年閒漢爲新家哉推計之始皇任刑禍近及身宣帝好刑短喪天下不同於秦禍少者耳

已下篇
名缺

許子蔣褒貶不平以拔樊子昭而抑許文休劉曄難曰子昭拔御覽
作發自賈豎年至耳順退能守靜進不苟競濟答曰子昭

誠自幼至長容貌完潔然觀其舌齒牙樹頰脰吐屑吻自非

文休之敵也

三國志龐統傳注世說品藻篇注御覽三百六十七

許文休者大較廊廟器也而子將貶之若實不貴之是不明也誠令知之蓋善人也

三國志許靖傳評注

許文休東渡江乃在障氣之南

文選廣雅交論注

張翊字元鳳

三國志許靖傳評注

黃帝威四盜

北堂書鈔十三據御覽疑當作四道

黃帝之初養性養民不好戰伐而四帝各以方色稱號交共

謀之邊城日驚介胃不釋黃帝歎曰君危于上民安

疑有誤于

下主失于國其臣再嫁厥疾之由非養寇邪今取

疑作處民萌

之上而四道亢衡遞震于師於是遂

疑有脫

師營壘以滅四帝

向令黃帝若不龍驤虎變而與俗同道則其民臣亦嫁于四

帝矣

御覽七十九

夫虎之爲獸水牛之爲畜殆其兵矣夫虎爪牙

既鋒膽力無伍至於卽豕也卑俯而下之必有扼喉之獲夫

水牛不便速角又喬竦然處郊之野朋游屯行部隊相伍及

其寢宿因陣反禦若見兕

此字未見疑有誤

虎抵角牛希見害矣若

用兵恃强必鑒于虎居弱必誠水牛可謂攻取屠城

當有誤而

守必能全者也御覽二百七十一夫兵者變化之物而遷移倚伏之

事也或守法而得用故知兵者性知者也用兵者性能用之

也北堂書鈔一百十三

知兵之將國之衡北堂書鈔作行主民之司命古者重之已下書後鈔未載

世無逮焉呂望雖智孫武雖驍樂毅雖賢白起雖武齊之天

齊朽骨吳之糜駭消骸燕之田單疑作殫腐肉豈可舖其糟粕

復得生而使之哉固當出我民之最擇其智勇之長者用其

修略其短也北堂書鈔一百十五御覽二百七十三

雖有百萬之師臨時受敵在將也長短經將體御覽二百七十三

秦穆公伐晉及河將軍勞之醪唯一鍾蹇叔乃曰一杯可以

投河而釀也穆公乃一醪投河三軍者下缺陳本作皆取飲之北堂書鈔一百十

五

士有一殮而倒戟義所驅也

御覽三百五十三

魚麗鵝鸛之陣金金鼓鼓節數進退之事什伯所職也

北堂書鈔

未改本一百十七

夫土地者百姓之所蹈也殊無兩形之政矣而談者強爲之異體也云地者都大之名土者細屬之號乃國語一句之言及龜旁之說有地數五五謂地爲明壤彼而是之據令共視焉何者謂土哉天下州國寧有有地無土有土無地之處乎

北堂書鈔未改本一百五十七

莊周婦死而歌夫通性命者以卑及尊死生不悼周不可論也夫象見死皮無遠近必泣周何忍哉

初學記二十九御覽八百九十

項羽若聽范增之前策則平步取天下也

御覽八十七

語曰兩目不相爲視昔吳有二人共評主者一人曰好一人曰醜久之不決二人各曰爾可求人吳目中則好醜分矣士有定形二人察之有得失非苟相反眼睛異耳

御覽三百六十六

聖不獨立智不獨治神武之王亦須佐輔

御覽四百一

太史遷云顏回雖篤行不遇仲尼不能彰其名也故五尺之童德擬大聖使在他門未或及此也夫甘羅少回六歲獲河東五城萬乘郊迎而佩印雖所弘非道義然當秦之時染詐諛之風也使羅在孔門治工之訓亦可聞一知十乎曰未必也昔齊欲伐魯回求說陳常而孔子不許遂使子貢子貢一出破齊疆晉亡吳霸越存魯也夫顏子與賜程智比才相校

以十至於此事而正不使也

御覽四百四十七

諺曰學者如牛毛成者如麟角言其少也

御覽四百九十六又六百八

猛虎不處卑勢勁鷹

一作驚鳥

不立垂枝

御覽四百九十六又八百九十一

禮記嫂叔無服誤據小功章娣姒婦此三字嫂叔之文也古者有省文互體言弟及兄并嫂矣娣姒者兄弟之妻相名也蓋云夫之昆弟昆弟之妻相與皆小功者

通典九十二

羅法夫之具策具策之妻勝典皆小也者

齊魯省文且強言策又與共難矣勝以音只策之妻勝各所

斷請數辱無期難小也章機以勝且三年數辱之文也

益其不數辱機經

編自翠習賦半手

蔣子萬機論事而正不於也

桓

𡗗

氏

論

世

蘇

吳

刀

金

封